

Viðmiðunarreglur um rafræna kosningu vegna sveitarstjórnarkosninga.

I. kafli.

Valdagur.

1. gr. Kjördæmaþing/fulltrúaráð/félagsfundur ákveður hvenær rafræn kosning skuli fara fram.

II. kafli.

Kosningarréttur og kjörgengi.

2. gr. Rétt til atkvæðagreiðslu í rafrænni kosningu eiga flokksbundnir framsóknarmenn sem eiga lögheimili í sveitarfélaginu, þ.m.t. þeir sem skilað hafa inn inngöngubeiðnum í Framsóknarflokkinn 30 dögum fyrir rafræna kosningu.

3. gr. Heimilt er að innheimta þátttökugjald til að standa straum af kostnaði við framkvæmd kosninga.

4. gr. Frambjóðendur í rafrænni kosningu geta þeir einir orðið sem eru félagar í Framsóknarflokki og hafa kjörgengi til sveitarstjórnar, þ.m.t. þeir sem skilað hafa inn inngöngubeiðnum í Framsóknarflokkinn 30 dögum fyrir rafræna kosningu og hafa náð 18 ára aldri á kjördag til sveitarstjórnar, samkvæmt íbúaskrá þjóðskrár.

III. kafli.

Kjörskrá.

5. gr. Flokksskrifstofan gerir kjörskrá þar sem fram kemur nafn, kennitala og lögheimili.

6. gr. Skrifstofa Framsóknarflokksins gerir skrá vegna rafrænu kosningarinnar, með símanúmerum og mun afhenda frambjóðendum, sem þess óska, eitt eintak af henni í excel-formi. Afhending er gegn greiðslu á kostnaði við gerð skrár á hvern frambjóðanda.

7. gr. Frambjóðanda er heimilt að senda framboðskynningu á sér á netfangaskrá Framsóknarflokksins í sveitarfélaginu í eitt skipti. SMS-sendingar eru heimilar í eitt skipti svo og afhending á límíðasetti til útsendingar í eitt skipti.

8. gr. Skrifstofa Framsóknarflokksins sér um útsendingu á netföng, á SMS-sendingum og afhendingu límíðasetts gegn greiðslu á kostnaði.

9. gr. Fylgt skal ákvæðum laga um persónuvernd og meðferð persónuupplýsinga.

IV. kafli.

Kjörstjórn.

10. gr. Kjördæmaþing/fulltrúaráð/félagsfundur kys 3, 5 eða 7 manna kjörstjórn.

Kjósa skal formann sérstaklega. Kjörstjórnin skiptir með sér verkum að öðru leyti.

Stjórn kjördæmasambands/stjórn fulltrúaráðs/stjórn félags setur kjörstjórn erindisbréf.

11. gr. Kjörstjórn skal undirbúa og annast framkvæmd rafrænnar kosningar.

Kjörstjórn skal halda gerðabók og bóka viðtöku framboða, afgreiðslu þeirra, hvers konar úrskurði, talningu atkvæða, úrslit kosninga og annað þess háttar er máli skiptir við framkvæmd rafrænnar kosningar.

V. kafli.

Framboð, framboðsfrestur, umboðsmenn og auglýsing.

12. gr. Kjörstjórn skal auglýsa eftir frambjóðendum til þátttöku í rafrænu kosningunni.

13. gr. Framboðsfrestur skal vera minnst 7 sólarhringar.

14. gr. Framboðstilkynningu skal skilað til kjörstjórnar eigi síðar en kl. 12 á hádegisdegnum 15 dögum fyrir kjördag.

Í framboðstilkynningu skulu frambjóðendur gefa kost á sér í ákveðin sæti, eitt eða fleiri, þegar þeir tilkynna um framboð sitt.

Með framboðstilkynningu skal hver frambjóðandi skila að hámarki 400 orða texta á rafrænu formi þar sem frambjóðandi kynnir sjálfan sig og greinir frá helstu baráttumálum sínum, ásamt einni mynd af frambjóðanda á rafrænu formi sem er að lágmarki 1 MB (megabyte) að stærð.

Með framboðstilkynningu skal fylgja meðmælendalisti með að lágmarki 10 og að hámarki 20 flokksbundnum framsóknarmönnum.

15. gr. Kjörstjórn gefur út kynningarrit um frambjóðendur og skipuleggur kynningarfundir með frambjóðendum fyrir rafrænu kosninguna.

16. gr. Hverjum frambjóðanda er heimilt að skipa sér umboðsmann til þess að gæta réttar og hagsmuna framboðsins.

17. gr. Framboð er ekki endanlega staðfest fyrr en kjörstjórn hefur staðfest kjörgengi frambjóðanda, meðmælendalista og fyrir liggi staðfesting á skilum til Ríkisendurskoðunar í þeim tilfellum sem það á við.

Kjörstjórn hefur heimild til að hafna frambjóðanda ef gildar ástæður eru fyrir og skulu þær rökstuddar skriflega.

Kjörstjórn er jafnframt heimilt, ef ástæða þykir til, að bæta við frambjóðendum að fengnu samþykki þeirra.

18. gr. Frambjóðendur skulu reka áróður fyrir framboði sínu í eigin nafni, en ekki í nafni Framsóknarflokksins.

19. gr. Frambjóðendur bera einir ábyrgð á sinni kosningabaráttu. Þeim ber að gæta þess að þeir sjálfir, eða þeir sem starfa í þeirra umboði, gæti þess að hlíta í hvívetna landslögum sem og lögum og siðareglum Framsóknarflokksins.

20. gr. Frambjóðendur skulu undirrita yfirlýsingu þess efnis að þeir hafi kynnt sér þessar reglur og muni fara eftir þeim.

21. gr. Kjörstjórn skal birta tilkynningu um rafræna kosningu með viðeigandi hætti. Tilkynningu þessa skal birta með hæfilegum fyrirvara fyrir kjördag.

VI. kafli.

Kjörseðill.

22. gr. Kjörseðil sjá kjósendur í rafrænu viðmóti kosningakerfisins og skal hann vera hefðbundinn kjörseðill í prófkjöri.

Á kjörseðlinum eru nöfn frambjóðenda ásamt stöðu eða starfsheiti og heimili ef nauðsyn þykir til auðkenningar.

Dregið skal um röðun frambjóðenda á kjörseðlinum.

Kjörseðill skal þannig úr gerði gerður að kjósandi geti skilað atkvæði sínu auðu svo að sjáist að hann hafi ekki tekið afstöðu til frambjóðenda.

VII. kafli.

Atkvæðagreiðsla.

23. gr. Kjörstaður er á síðunni framsokn.is/kjorstadur – KJÖRSTAÐUR.

24. gr. Kjörstjórn opnar kjördeild viðkomandi sveitarfélags á valdegi þar sem kjósendur nálgast atkvæðaseðil.

25. gr. Kjósendur skrá sig inn í KJÖRDEILD viðkomandi sveitarfélags með rafrænum skilríkjum.

Í kjördeild má nálgast nöfn frambjóðenda sem í kjöri eru, ásamt kynningu og kjörseðil. Kjósendur fá upp kjörseðil með því að smella á hnappinn KJÖRSEÐILL.

26. gr. Á kjörseðli skulu kjósendur merkja með tölustöfum við nöfn frambjóðenda og í þeirri röð sem þeir vilja að frambjóðendur taki sæti á framboðslistanum. Kjósa skal um efsta eð efstu sætin í samræmi við ákvörðun kjördæmapings/fulltrúaráðs/félagsfundar. Það er 1 við þann sem kjósandi vill að skipi efsta sæti, o.s.frv.

Þegar kjósendur hafa útfyllt kjörseðilinn skal smella á hnappinn KOSIÐ.

Kjósendur skulu fá ábendingu um hafi atkvæði ekki verið rétt útfyllt skv. reglum um rafræna kosningu þegar smellt er á hnappinn KOSIÐ.

27. gr. Kjósendur hafa val um að kjósa að nýju, fram að lokum valdags, en eingöngu síðasta atkvæðagreiðsla kjósanda gildir.

28. gr. Kjósandi skal haka við reit um að hann hafi persónulega tekið þátt í rafrænu kosningunni en ekki aðrir í hans stað.

VIII. kafli.

Atkvæðatalning og kosningaúrslit.

29. gr. Kjörstjórn annast talningu atkvæða á fyrirfram ákveðnum stað og stund. Umboðsmönnum frambjóðenda er heimilt að vera viðstaddir talninguna.

30. gr. Við talningu atkvæða hlýtur sá fyrsta sæti sem fær flest atkvæði í fyrsta sætið. Sá hlýtur annað sætið sem hefur flest atkvæði í 1. og 2. sætið og sá þriðja sætið sem hlýtur flest atkvæði í 1., 2. og 3. sæti o.s.frv.

31. gr. Hafi tveir eða fleiri hlotið jafnmörg atkvæði og geta ekki báðir eða allir náð kjöri ræður hlutkesti.

32. gr. Sá sem er viðstaddur talningu getur ekki yfirgefið hana fyrr en kjörstjórn hefur staðfest úrslit og þau tilkynnt.

33. gr. Frambjóðandi undirritar yfirlýsingu, fyrir atkvæðatalningu, um hvaða sæti hann taki hljóti hann ekki kosningu í það sæti sem hann sækist eftir.

Frambjóðandi skal hafa svarað kjörstjórn innan 24 klst. frá því að úrslit eru kynnt, hvort hann tekur sæti á framboðslistanum.

Taki frambjóðandi ekki það sæti er hann hlýtur í kosningunni fellur það sæti til þess er hlýtur næstflest atkvæði í það sæti, sbr. 30. gr..

34. gr. Ekki skulu vera fleiri en þrír af sama kyni í 5 efstu sætum framboðslistans.

IX. kafli.

Kosningum frestað.

35. gr. Kjörstjórn er heimilt að fresta rafrænu kosningunni ef veður, náttúruhamfarir eða rafmagnsleysi hamla.

X. kafli.

Kosningakætur.

36. gr. Frestur frambjóðenda til að gera athugasemdir rennur út þremur sólarhringum eftir tilkynningu úrslita.

Komi fram ágreiningur um framkvæmd eða tilhögun rafrænu kosningarinnar skal gera það skriflega til kjörstjórnar. Úrskurði kjörstjórnar má skjóta til laganeftar Framsóknarflokksins og fara þau eins og lög Framsóknarflokksins kveða á um.

XI. kafli.

Eyðing kjörgagna.

37. gr. Kjörstjórn skal sjá til þess að öllum kjörgögnum sé eytt úr kosningakerfinu þegar niðurstöður liggja fyrir, kærufrestur hefur runnið út og kjördæmaþingi/fulltrúaráðsfundi/félagsfundi er lokið.

Flokksskrifstofan skal staðfesta við kjörstjón að umræddum gögnum hafi verið eytt.

XII. kafli.

Frávik.

38. gr. Kjörstjórn getur að tillögu ráðgjafa um framkvæmd rafrænna kosninga heimilað frávik frá tæknilegri útfærslu, sem lýst er í þessum reglum, á grundvelli sambærilegra tæknilegra lausna sem kunna að verða til á gildistíma reglnanna.

XIII. kafli.

Kostnaður.

39. gr. Hámarks útlagður kostnaður hvers frambjóðanda vegna rafrænnar kosningar má ekki fara umfram kostnaðartölu sem landsstjórn Framsóknarflokksins telur hæfilega, s.s. vegna auglýsinga frambjóðenda í ljósvakamiðlum, prentmiðlum og vefmiðlum.

Frambjóðendum ber að skila til flokksskrifstofu fjárhagslegu uppgjöri innan 30 daga að lokinni rafrænni kosningu. Flokksskrifstofan skal skila uppgjörinu inn til Ríkisendurskoðunar.

40. gr. Í einu og öllu skal farið eftir lögum um fjármál stjórnmalaflokka nr. 162/2006.

XIV. kafli.

Framboðslistinn.

41. gr. Kjörstjórn gerir tillögu um skipan framboðslistans í heild að öðru leyti til stjórnar kjördæmasambands/stjórnar fulltrúaráðs/stjórnar félags sem leggur hann fyrir kjördæmaþingi/fulltrúaráð/félagsfund.